



Broj: 01/2 sl.
Sarajevo, 12. 1. 2026.

ORIJENTACIONI RADNI PLAN
KOMISIJE ZA VANJSKE POSLOVE
PREDSTAVNIČKOG DOMA PSBiH
ZA 2026. GODINU

Sarajevo, januar 2026.

UVOD

Osnovni cilj rada Komisije za vanjske poslove Predstavničkog doma (u daljnjem tekstu: Komisija) jeste osigurati kvalitetnu pripremu rada i što bolje i efikasnije funkcioniranje Predstavničkog doma, a time i Parlamentarne skupštine BiH, provođenjem općih opredjeljenja zacrtanih Ustavom BiH i Dejtonskim mirovnim sporazumom te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Predstavničkog doma Parlamentarne skupštine BiH unutar države i njenim međunarodnim obavezama.

Komisija će pratiti i razmatrati određena pitanja iz svoje nadležnosti tako što će se odrediti o svakom konkretnom pitanju, vodeći računa o rokovima i kontinuitetu sjednica.

Djelokrug Komisije određen je članom 45. Poslovnika Predstavničkog doma PSBiH („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 50/24 i 73/24), prema kojem:

(1) Komisija za vanjske poslove:

- a) prati vođenje vanjske politike Predsjedništva BiH i Vijeća ministara BiH;
- b) razmatra pitanja saradnje Bosne i Hercegovine s Ujedinjenim narodima i međunarodnom zajednicom;
- c) razmatra pitanja međuparlamentarne saradnje s odgovarajućim komisijama parlamenata drugih zemalja;
- d) razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- e) razmatra pitanja rada institucija BiH nadležnih za pitanja vanjskih poslova i međunarodnih odnosa;
- f) razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- g) razmatra pitanja davanja i otkazivanja saglasnosti za ratifikaciju međunarodnih ugovora, sporazuma i konvencija.

(2) Komisija razmatra i druga pitanja iz oblasti međunarodnih odnosa i vanjskih poslova.

Obaveza izrade i dostavljanja orijentacionog radnog plana za sve komisije predviđena je članom 65. stav (2) Poslovnika Predstavničkog doma.

Za prioritete u Programu rada Predstavničkog doma, a u domenu nadležnosti Komisije za vanjske poslove, predlažemo:

- blagovremeno donošenje zakona predviđeno dinamikom rada institucija Bosne i Hercegovine za 2026. godinu;
- blagovremeno razmatranje zahtjeva za davanje saglasnosti za ratifikaciju i otkazivanje međunarodnih sporazuma;

- blagovremeno razmatranje izvještaja o radu i drugih materijala dostavljenih od institucija Bosne i Hercegovine;
- praćenje aktivnosti nadležnih institucija u procesu realizacije obaveza preuzetih potpisivanjem Sporazuma o stabilizaciji i pridruživanju, u dijelu nadležnosti Komisije;
- ispunjavanje obaveza u međunarodnim i regionalnim organizacijama, u bilateralnim odnosima, obaveza Parlamentarne skupštine BiH prema drugim parlamentima te drugih obaveza predviđenih za ovu godinu;
- praćenje ostalih aktivnosti institucija Bosne i Hercegovine u domenu vanjske politike.

Najviše aktivnosti Komisije odnosi se na razmatranje materijala dostavljenih od drugih institucija, a u skladu s nadležnostima Komisije i zaduženjima Kolegija Predstavničkog doma Parlamentarne skupštine BiH. Stoga je za uspješnu realizaciju Plana rada od ključnog značaja blagovremeno dostavljanje materijala, prije svega, od Vijeća ministara BiH i Predsjedništva BiH, ali i svih drugih nadležnih institucija.

PLAN RADA

Ostale aktivnosti

- Priprema i usvajanje Izvještaja o radu Komisije za 2025. godinu;
- Priprema i usvajanje Orijentacionog radnog plana Komisije za 2026. godinu;
- Razmatranje Izvještaja o radu Ministarstva vanjskih poslova BiH u 2024. godini u sklopu Izvještaja o radu Vijeća ministara BiH u 2024. godini;
- Razmatranje informacije o stanju u Ministarstvu vanjskih poslova BiH (sjedište);
- Razmatranje informacije Ministarstva vanjskih poslova BiH o stanju u diplomatsko-konzularnoj mreži (DKP) BiH, s posebnim osvrtom na diplomatske aktivnosti.

U 2026. godini Komisija će nastaviti i sljedeće aktivnosti iz njenog djelokruga, i to:

- kontinuirano razmatranje davanja i otkazivanja saglasnosti za ratifikaciju međunarodnih sporazuma i ugovora kako budu stizali u parlamentarnu proceduru i dostavljanje izvještaja Predstavničkom domu, i to kako slijedi iz Programa rada Vijeća ministara BiH za 2026. godinu;
- razmatranje izvještaja o rezultatima posjeta delegacija Parlamentarne skupštine BiH u sklopu međunarodnih aktivnosti koji budu dostavljeni Komisiji;
- razmatranje prijedloga i inicijativa državnih organa, međunarodnih organizacija i nadležnih organa drugih zemalja za različite oblike parlamentarnih aktivnosti i međuparlamentarne saradnje, kao i razmjena bilateralnih posjeta komisija za vanjske poslove;
- prijem novoimenovanih ambasadora BiH, kao i stranih ambasadora akreditiranih u Bosni i Hercegovini;
- razmatranje prijedloga i inicijativa međunarodnih organizacija (Organizacija za sigurnost i saradnju u Evropi (OSCE), Parlamentarna skupština Vijeća Evrope (PSVE), Parlamentarna skupština Centralnoevropske inicijative (CEI), Interparlamentarna unija (IPU), Parlamentarna skupština Mediterana (PAM)), te organizacija civilnog društva za različite oblike saradnje;

- analiziranje stanja regionalne saradnje, na osnovu izvještaja s regionalnih konferencija održanih tokom godine (Regionalno vijeće za saradnju (RCC), Proces saradnje u Jugoistočnoj Evropi (SEECF));
- razmatranje Informacije Predsjedništva BiH o vođenju vanjske politike BiH (član 45. stav (1) tačka a) Poslovnika Predstavničkog doma Parlamentarne skupštine BiH);
- praćenje ispunjavanja postprijemnih obaveza BiH prema Vijeću Evrope te rada Delegacije PSBiH u Parlamentarnoj skupštini Vijeća Evrope.

ZAKLJUČAK

Plan rada za 2026. godinu dat je okvirno, prema očekivanim aktivnostima na nivou BiH i u skladu s potrebom za koordinacijom s drugim nadležnim tijelima.

Komisija će nastaviti dosadašnju saradnju s Ministarstvom vanjskih poslova BiH, kao i drugim institucijama Bosne i Hercegovine.

Rokovi za razmatranje materijala zavisit će od zaprimanja materijala od institucija koje ih upućuju i zaduženja Kolegija Predstavničkog doma, odnosno Zajedničkog kolegija oba doma. Nove obveze koje se mogu pojaviti, a koje nisu predviđene ovim planom, bit će blagovremeno u njega uvrštene, odnosno blagovremeno razmatrane.

Prva zamjenica
predsjedavajuće Komisije
Sabina Ćudić